

جلال الخطيب

كفاية عليك

أشعار بالعامية المصرية

صدرت الطبعة الأولى فى نوفمبر 2018



جلال الخطيب

بطاقة الكتاب

- عنوان المؤلف : كفاية عليك
المؤلف : جلال الخطيب
التصنيف : أشعار بالعامية المصرية
رقم الإيداع : 2018-19184
الترقيم الدولي : 978-977-6566-93-2
عدد الصفحات : 100 صفحة
رقم الإصدار : 274 (الطبعة الأولى نوفمبر 2018)
تصميم الغلاف والتنسيق : دار النيل والفرات للنشر والتوزيع
مدير فرع القاهرة : الشاعر رضا عبادة
جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب إلا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تيفاكس: 020554372901

alnilwaalfourat@gmail.com alnilwaalfourat

المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ13 - عقار 304

الإهداء

إلى أنيستي ورفيقة حياتي
وسلوأى وعشيقتي وموضع سري ونجواى
وبستاني وجنتي
إلى الخلوة والوحدة والغيبة عن عيون الخلق
والتواري عن رؤية إنسان
إلى الركن البعيد الهادي
الذي أطمأن أن لا يعكر صفوه كدر البشر
خليك ونديمك وصفيك....

جلال الخطيب

أقسم بالله

أقسم بالله

ما جيب سيرتك على لساني

وإن عصاني قلبي

ها هجره وإن قدرت ها غيره

كل حاجة تفكرني بيك

هاأخاصمه وأهجره

حتى لو خاصمت كل الدنيا فيك

خلتيني أكره كل حاجة

فيها شئ من ملامحك أو منظرِك

واخذ له حبه منك أو حبتين

حتى ضي الشمس

كرهته وطلعته

لأنه يفكرني بيك
يوم ماتيجي وهلتك
همس القمر جنبي بخفه وقال حرام
لو خاصمت كل الدنيا وبعثها
تعمل ايه في الليل ونجومه
اللي عشقتها
تعمل ايه في قسايدك اللي كتبتها
والحروف اللي طارت
ويا نور الشمس في حبها
لوهاتهجرها بصحيح وكرهتها
اهجر النور اللي في عينيك وضيها
اهجر الكون دا كله
لانه شايف في قلبك حبها

أنا حبيب وباعشق كل لحظه حبيب

أنا حبيب وهوأى تملى قريب
أنا حبيب ومن يومى وحبى عجب
وماصبر لويعدى يوم ما الأقى حبيب
وابات خالى واقول قسمتى ونصيب
دا انا فى الهوى آيه
واسأل ياغرام قاضيك
وألف حكاية وحكاية
كتابى فى الهوى يملك
سمعها الطير على الغصون
غنى وقال راح ادعى ربنا يهديك
ياقاضى نفسى أقول كلمة
مش أكثر و بعنيه افتديك
ايه معنى الدنيا لو كانت بلا حبيبين ؟؟؟؟

إيه معنى قلوبنا لوما حنت

ولا اشتاقت لضي العين

دا لولا الحب

ما طلعت شمسنا الحلوة

ولولا الحب ماهلت في يوم نسمة

ولاتمايل ورد علي الأغصان

ولالقمرى بأحانه يقول أنغام

ولولا الحب ماكان حوا -

ولا آدم ----

ولا الإنسان ---

ولا العالم يبقى يوم عالم

ولا الأكوان

ولا الإنسان ولا الأكوان

أيا عالم وياإنسان

مش معقول تبعد وتسيبني

مش معقول تبعد وتسيبني
بعد اللي أنا شوفته في غيابك
والشوق اللي غلبت أداريه
اسمعي ارجوك المرة دي
إوعى تفوتني الله يخليك
باترجاك خليك هنا جنبي
دابعادك بيموت فيا
حاسه إني في الصحرا لواحديا
ولآخر مرة باناديك
ياتاخذني معاك وانت مسافر
ياتسيبني في ناري انا لواحدي
وإن موت هاتتحمل ذنبي
وفي الآخرة ما سألش أنا فيك...

من حقي أتجنن علسانك

هو انت شويه في غرامك

وحياتي أوهبها لأيامك

ومنايا أنا أعيش خدامك

بس إديني الفرصة انت يا حبيبي

والله حرام تلعب بيا

وتزود بقه هجرك ليا

ياكاويني وما سألتش فيا

ولا حتى بترد عليا

بكفايا قسوة يا حبيبي

بالراحة طب حن عليا

يامعلم عيني الملاغيه

مين وصاك ياللي انت ملاكي



تبقى هلاكي وتعذب فيا
هو دا كله عشان حبيتك
ياما كتير أناجيت على نفسي و اترجيتك
إنك تديني الفرصة ولومرة
حتى إن كانت آخر مرة
والله ماسبقلي ولومرة
إني أتعذب كده يا حبيبي
طول عمري ووخدها هزار
مع غيرك وألعب بالنار
وأحير كل اللي ما يحتار
وأخلي ليله بقى نهار
واللي يحسبه يطلع جنة
يلاقيه في الآخر بقى نار
وأخرتها باى باى يا حبيبي
في حياتي ما أعرف تنهيدة

ولاشوقه ودمعة وتشريدة
من قبل ما أشوفك نور عيني
أيادعوة وآهى صابت فيا
إن كانت لي ولا عليا
من يومها وشقيت يا حبيبي
أرجوك لله أرجوك
بص شوية
يمكن ترضى تحن عليا
وها تيجي تزورني الله يخليك
ياما صبرت كتير علشانك
ودا والله هايرفع من شانك
وجميك هيساوى عينيه
عارف كل دا ليه عشان
من حقي إني اتجنن بقه علشانك



حبيبي ليه دايمًا غضبان

حبيبي ليه دايمًا غضبان

فايت لى قلبي وليه حيران

دا بجد ولادع يا حرام

بكفاية رد السلام

طيب أوم تعالى نروح

ولا نروح نتفسح

وننسي كل اللي كان

زعلان تعالى أصالحك

وبيايدي هأداوي جرحك

وانت تراضيني كمان

عارفك من يومك عنيد

والعند والله مايفيد

وانته عارقني تمام
وهبت لك حياتي
عمري و شبابي وآهاتي
والله غيرك ماأريد
صدقني قلبك حنون
وأنا عقلي بيك مجنون
طيب ليه تسبيني لشاتاتي
وحيرتي ويا الظنون
مش عارف اللي حصل مني
ولا جرى لك ايه
إياك لا زعلك يطول
ويشمت في العزول
يكفي اللي فات ياقلبي
وخلي اللي يقول يقول
لله وبالراحة شوية

ماتطول الغيبة عليا
طاوعني واهدى بقى ياعنيه
ونشوف مش عاجبك إيه
والله ماهعيش من غيرك
ومصيري بقى هو مصيرك
واللي أنافيه من خيرك
وفي حضنك ألقى الأمان
والله حضنك كله أمان
وسلام سلام سلام
وابقى نتقابل قدام

هى دى هى الحياة

هى دى هى الحياة
يوم تلاقى فيها فرح
وسنين بينزف جرحنا ونقوله آه آآآه
لما يبلغ الألم إلى منتهاه
وآه آآآه من الجرح آه آآآه
يوم تقولي سيبي أجرب حد تاني
يمكن يكون ليا حبيب طول الحياة
يمكن يرجع لي فرحي اللي تاه
يمكن ينسيني الألم معاك وآآآه
يا عمري إلهي ضاع وياك
وأنا كان لي أمل أني أعيش
زي كل أصحابي اللي في الخير مرتاحين

بين القصور وفي كل ناحية مبسوطين
ليه اتحرم من اللي بتحبه البنات
يبقى حظي قليل وكل حيلتي الأنين
اللي مليون بالسكات
نفسى اشوف راجل زي الشباب
اللي سهران على القهاوي
والضحكة من قلبه تهز قلبي والغاوي
ياخدني بجناحه لأجل نظير فوق السحاب
عند القمر ويا النجوم السهرانيين
ليلاتي والصحاب
قلت صدقتني ماتنفعيلي ولأبقى لايق
بعد الأبالسة ماغروكي بكلامهم
ودي تقولك دا إنتي خسارة في اللي فاته الشباب
لو تخلصي منه أوام هاينفتحك ألف باب
والفرص تبقى أمامك ليل نهار

عرسان وطالبينك بالخصوص
من كل دار
والكل حابب يقترب وينول المراد
ذهب وألماظ وفلوس
هايجري تحت قدمك هيل
بس ترضي إنتي وتشاوري
وفي العيون راح يشيلك شيل
وأرجع أقولك بالسلامة
والطريقة ليكي انفتح
مايمكيش مين اشتكى واللا انجرح
مادام دا فهمك للأمر والحياه
ملأ البطون وهدوم وعريبه وذهب وجاه
وقطية تقطع الأصول ويا الوفا
مايشبعك إلا إن تكوني غنية مسيطرة
وفي البنوك ليكي رصيد وافي وعوايده كتير ورا

وبشوقك انتي وقولك
نفسى أجرب حد تاني
طاب جربي
وابقي قوليلي إيه كان جزاة الغدارين
واللا نصيب إلی باع يوم عياله
لأجل أشواقه وهواه الملهوفين
شوفي اللي كفرت نعمة الزوج الحزين
اللي شاكي أمره للحكم
هو المليك اللي مايخلف وعد
في حياته هو المعين
والحمد لله على كل شئ هو الملك
سبحانه من أجرى الخليقة والفلک

ونقسي على الحنين ليه ???

بقينا نحن للقاسي....

ونقسي على الحنين ليه. ???

ونبكي على اللي لينا ناسي

وننسى اللي احنا نور في عنيه

ما برأ نفسي ولاهانكر

ماأنا زيكم إنسان لكن أملي إني أتغير

وقلبي بالإيمان عمران

بحب الناس ومش هارضى

في يوم إني أبات ظالم

وأحسن لي أبات مظلوم

ووالله ماارضى إني أكون خاين

عشان ديني هو الإسلام وبالقرآن أنا قايم

وحشونا

وحشونا الناس اللي بوشين
ولسانهم كان حلو أوي
كانوا شاغلنا بكنا وفيين
كانوا ناعمين كانوا رقة أوي
شكل ومنظر يملا العين
والأفعال يالطيف ياقوي
وبحنية كلامهم زين
والخدعة حبكوها أوي
عمري ماكنت اتصور مرة
إن الكذب يكون كدا هو
يحكي ويبكي وكمان يشكي

لما يقطع قلبي عليه
عارف اني بصدقه
لما بالقي الدمعة تملا عنيه
كنت أحسبه زينا إنسان
كله مودة وخير وحنان
ولا يمكن أشك ولومرة
إنه خايني وانه جبان
جاني في غفلة طعني في ضهري
خلاني ما انقش في انسان
للدرجة تعرف تمكر قادر تغدر
أفعالك ما يجيبها شيطان
واللي وجعني وقطم ضهري
إنني لاقيتك يا أبوشين
ما تقول واحد لا ولا عشرة
دول اكثر بني آدمين

علشان كده مشاكلنا يا عالم
مين يقدر يحصيها مين
وكله بسببك يا أبو وشين
الله يقطعهم من العالم
برة بعيد عن بني آدميين

يا قلبي ليه

يا قلبي ليه وبعدين لك.....

هتسأل على اللي خاتوا حبك

ونسيواسنين وعشرة معاك...

باعونا للي ما ما يسوى...

ومش فارقة ...

مين الشاري ومين يهواه

مادام الدنيا ضحكه له

وماله كتير بقى وماله

نجرب حظنا وياه

ومش فارقة...

مدام يهوانا واحنا هواه

ياريت تصحا من احلامك

ولسه الدنيا أدامك
ونقطة ومن بداية السطر
صحيح داسوا على قلبك
وسخروا من رقة إحساسك
خانوا عهدك نسوا ودك
وطاب له يدق على راسك
مافرقت أى حاجة معاه
وراح فين إنه بيحبك
وبيبوس التراب تحتك
وأنا والكل صدقناه
عجيب يالزمان فعلك
بتكشف كل يوم إنك
استاذ واحنا تلامذة معاه

طلاق

طلاق..... طلاق
أرجوك يا ولدي سامحني
والتمس لي اعدار
يمكن غواني الشيطان
ورضيت واخذت قرار
وطاوعت نفسي زمان
والدنيا غرثني عشت الأمانى الكثير
وأحلامي خدعتني
والعقل دورة انتهى
وأوهامي كترت لي
وشريت رخيص باعني
وبعت إلهي شاريني

والعمر عدى وفات
ضاعت معاه سنيني
واللي راح وانقضي
مايرجعه أنيني
وماعاد بيشغلني
إلا إنته يانور عيني
ولدي وكبدي وضنايا
سايبك تعاني أساك وتعبت وياى
سوء اختياري أذاك
وشيطاني وهواى
شقاك وانت ملاك
ارجوك تسامح ياولدي
وخلي قلبك كبير
دا الدعوة منك يأملي
هيامناي ورجاى

القائمة السوده

خليتك في القائمة السوده
عملت لك يا حبيبي بلوك
مين اللي قال إن الناس غلابة وطيبين
واللا كل الناس تملي أصحاب قلوب وقريبين
يعني همه اللي الزمن ظلمهم والظروف
والقدر هو اللي مالي عمرهم بعذاب وخوف
لكنهم أي ووالله غلابة مظلومين
ليهم مشاعر صافية وراقية حنينين
طيب يا حبيبي خدنا مني
تجربة عمري وسنيني
اللي عشت فيها بحلوها ومرها وبكيت بعين
إياك تقول الخلق واحد متمائلين

ماتلاقي فرق كبير ومتشابهين
دا ربنا بحكمته
جعل البشر من التراب والطين
واحنا ياكل البشر جينا بألوانه
فينا اللي طاب منبته واللي بيتمر فيه
يحفظ المعروف
ونفعه بيعم الخلايق يصونه ويكفيه
زي شجرة طيبة ثمرها باقي وضلها
تطلع عليها الشمس تزيد حلاوة طلعتها
وفينا عديم الأصل زي الأراضي البور
ماتطرح نور
وتستاهل في النيران حرقها والجر
ينكر جمالك ويقلبها عليك بالشر
يكره حياتك ولو يقدر يخلي حلوها دا مر
بقيت خصمه الوحيد في كل الناس

ماشفت بعدك ياحنان أمي
شئ إلا يزيدني غمي
وكل لحظة تعدي بالخسار والنار أيأمي
بقيت فريسة لكل الخاليق واللي انسكب دمي
وطيئتي زاد بلها صاحبه ولا مصونة
تسجد لسيرة الجنيه تعاوده وتصونه
وأوعى في كلامي تشك
مادام معاك يا صاحبي عمرها ماتعك
وإن خف مالك يا صاحبي أو فضي لك بوك
من غير تردد يا صاحبي
في قلبك راح تدوكك دوك
وتغني بين صحابها
حطيتك في القايمة السوداء
عملت لك يا حبيبي بلوك

رحت فين

همه ناسيين نفسهم
رحت فين مني يانفسي
وتوهت ليه وفجواى تنسي
فين أصولك اللي سنين عمري راعتها
والمبادئ اللي على أصول الدين بنيتها
كنت بتقول دي هي الديانة
وشرع ثابت بالأمانة
والكلام كان حلو خالص
بس لازم له علامة
كنت عايش في اللي فات
واللي كان زمان ومات
يعني الأصول ويا الأدب

واللي كانوا يعطوا للعالم شكل وجمال
صورة حلوة وطعم يفوق الخيال
كنت عايش أحلى سنين معاهم
كنت باتنفس هواهم
وارضى كل حاجة لروحي من رضاهم
كان هواى مش معاى داكان معاهم
كل حاجة كان لها ميزان وضبط
والمشاكل سهلة ليها ألف خط وخط
جينا وفي عز المعارف والعلوم
والطريق كان لسة واضح مش غيوم
فجأة ميلنا للهوى وصرنا صحاب
وابتعدنا عن علومنا والكتاب
واللي كان مش شكلنا صبحوا أحباب
كل حاجة اتغيرت فينا يادنيا
وكأننا احنا مش إحنا وحاجة تانية

وكأننا راحت عقولنا مننا
وجت عقول بشكل غايب عننا
واتبدلت لنا المعالم
واتحولت فينا الحاجات
واللي كنا بنكرة
صبح جميل وأحلى من اللفات
وكأننا صرنا سكارى
مانعرف اللي عايش واللي مات
وفي يوم عشقتنا
كل العشق وقلنا موعودين
خلاص بقينا من الهوى آل مغرمين
وزادت المحنة وطلبنا الوصول
ورفضنا كل النصح وهجرنا الصديق
ماشفنا غير اللي في هوانا كان عشيق
والمفجأة اتعزروا آل إيه مش مناسب

اسم الله حاسب ألف مرة ومرة حاسب
صدق اللي قال ياابن الحلال
قبل ماتناسب أحد ابقى حاسب
كانت عجيبة من العجايب
والله وأمر غريب
هو التواضع عندكم
يتسيكوا الأصول
تيجوا تعملوا فينا كل فصل
من الفصول
لا دا أنتو اللي قارينها غلط
دا كان مرادي وقصدي
إن أنشلكم من الغلط
وافتح ببيان الطهر
والعيش السع...

مانفءش لبعضينا

وليه هاافضل أءعلق بءبك الواهن
ماهو انءى كءير قولءيها مانفءش لبعضينا
وأنا اللى عملء مش فاهم
وقلءى فىا كلام ءارء
وزى السم وماءانء لى فرصة إلا وصفءىنى
بأبشع بابشع الأوصاف
ماعدءى ءءافى ولاءءشى كلام الناس
كأنى ءلاص
بلا إءساس ولا معنى ولاقىمة
أمام الناس
لا دا إنءى لاقىمة ولاسىما ولاأءلاق
ولا منظر ولا مءبر ولا اءنا سواء

مافيش غير كلمتين فارغين أمام الناس
لسان سايب بلاضابط ولا رابط
مايسكت إلا بالكرباج
مكانه هناك في دنيا مافيهاش
غير الحية وديبة بتاكل في قلب الناس
وفي الآخر أنا الغلطان
لكن غلطي ياريتيه يكون على نفسي وبيا يحط
لكنه على الصغار اللي ماليهم ذنب
غير إن أبوهم الجاهل ويستاهل
لأنه انخدع بالحب
ومهما بكي وأنوح
إيش يفيد النوح
وأولادي يشيلوا كل الذنب
يا عالم بيا وبحالي
مالي غيرك ومالي إلا أقول يارب

وباستنى تيجي لو رنة

وباستنى تيجي لو رنة
في تليفوني تقولي خلاص
بقت على الخط
وقلبي من فرحته
غنى رقص ومن الفرحة نازل نط
وفجأة لاقيتني باحضن التليفون
واقول والله حبيتك ياوش السعد
ياحامل همي وآلامي
وسري في كل أيامي
معك الساعة تبقى ثوان
مادام بنحب
وشاهد حبي وأحلى غرام وأجمل وعد

ولماتغيب هنا الرنات
كأن الساعة تبقى ساعات
وتيجي الحيرة تقتلني وتتكاثر الأناث
ياخوفي يكون كفى الله الشر
ويمكن ناسيني ودا والله يبقى أمر
وماخطرتش على باله
وأنا اللي باشرب في بعده المر
يارب يامالك الأملاك
داويني جراحي تزيد
وماعندي احتمال للصبر

خد مني كل حياتي

خد مني كل حياتي
وسنيني وعمرى وذاتى
واحفر أناقبرى بإيدى
ولا عمرى أشوف الدمعة
فى عنىك
ولاثانىة بتىجرى
دا الفرحة اللى فى قلوبنا
والضحكة اللى على خدودنا
والمعنى كمان لوجودنا
أتارىك سرها يا حبيبى
وباشوفك كل حياتى

يومي وبكرة وساعاتي
وبقالي حبيب في الدنيا
أياعشقي الأول والآخر
وهاأقولها خلاص من الآخر
مين غيرك راح يحييني
ياكتابي وسطري والمعنى
والحرف اللي بيجمعنا
لولا وجودك يا حياتي
أناكلمة
ومالهاش معنى
مين غيرك يشغل بالي
أويسعد قلبي الخالي
حبك دا في دمي بيجري
غنوة ولحني الحلو وموالي
ودموعي أهي شاهده عليا

ما في غيرك يملا عنية
أيا سيد الناس و الدنيا
بادعيلك قولي امين
انت وكل العاشقين
عمري مأشوفك دمة
تجري ولا عمرك تبقى حزين
والفرح في قلبك يبقى
ساكن والغنى في إديك الاتنين

غدر البشر

شوفت فيكي يأمين غدر البشر
غدر مايقدر عليه إلا اللي قلبه من حجر
ويلوموني مايلوموني
هو اللي قلبه في نار
زي اللي قلبه في المطر
كنت ليكي نعيم و جنة
و كنت لياعذاب و نار
شفت وياكي العذاب دقت ألوان المرار
بعد مادخلت معاكي جنة عمري مانسأهاش
كل شئ بقى شكل تاني في صورة حلوة ماشفتهاش
حاجه مايقولهاش شعرا ولا في الأغاني
حاجة مايحسها الا اللي زيي دا

مش كلام ولا بالأمانى
شفت لماتلاقي كل الدنيا فرحة
والألم مابقاش ألم
والسنين مابقاش جارحة
كل شئ بقى شكل تانى
مش قلت لك
الحياة كلها لها طعم تانى
حتى عمرى اللي كان مليون بالآهات
صبحت أغاني
نفسى أقول لكل الناس انى بحب
نفسى كل الناس يعرفوا كل كلمة فيها حب
وتشوف حلاوته اللي مايدقهاش الا ليه إحساس و قلب
وفي عز كل الفرح واحنا الإثنين مبسوطين
نجمع الشمس في قلوبنا والقمر وياالحنين
جيت تقولي بكفاياك

وانسى إسمي وقصتي وانسى اللي فات
يعنى نبقى اصحاب كانوا في طريق أو معرفة
نبقى ذكرى جميلة وصورة مشرفة
نفكرها لما هانعدي في يوم من هناو هناك
يعني جا الوقت اللي لازم ننسى ضروري اللي فات
وكل واحد مننا في سكته
وخلص نفترق ودايبقى وعد
أيوه يا حبيبي فراقنا ظل يبقى وعد
مين يا عالم يقول و يفهمني دا اسمه ايه
اسمه غدر وهجر ولا مش عارفينه ايه
همه دول بشر زي اللي احنا منهم يادنيا
يعني ليهم قلب وحس ولا حاجة تانية
مين يصدق ان اللي عاشناه دا كان خداع
تمثيلية وانتهت أو مسرحية في وقت ضاع
يالا يا حبيبي بالسلامة و في امان

قولي داغدر وخيانة وانا اللي غادر واللي باع
بس دي الوقت خلاص اقولك ما اعطك
والنوبة دي راح أواجهك وبصراحة هاسألك
انت عارف ان الدنيا فيها المصلحة
هي اللي تحكمننا وفي حياتنا الرابعة
يعني فقرك ويا حبي ما يعيشوش
والغرام والهيام ما يأكلوش يا حبيبي عيش
أوعى تنسى اننا في وسط الديابة
والفقير مالوش مكان ولا الغلابة
يبقى من الآخر حبيبي ما اعطك
شوف مصالحك
واحنا برضه هنشوف اللي في صالحنا
والزمن هايداوي جرحك ويسامحنا
خدت من وقتي كثير
والنهار ده مش زمانه

عيش حياتك زي كل الناس ماعايشة
الفلوس هي الميزان
اما اللي اسمه حب داكفة طايشة
وهي حجة البليد
خلاص يادنيا هااعتذرلك واروح بعيد
يبقى كل الناس في اللي يهتمهم
وأنا اللي ساكن في الألم
جربت إني أعيش زيهم
ولاقيتني راجع بالندم
ماعرفش الا اني أكون امين
وفي حياتي ماعرفش الخداع والله المعين
وتلاقيني وسط الناس تايه وفي الضياع
يقولوا لخرة يقولوا مايقولوا ماتفرق
دااللي باع الناس مايفرق عنده شئ
واللي صان العهد ما يخاف من كل شئ

والغادر

يوم القيامة ينتصب له الف راية
والوفي في الجنة وأهي دي النهاية
أحلى نهاية

يمين الله

يمين الله أقسمتم وعهد الله
وفرض عليكم لتصونوا الوداد ترعاه
ولما تدور بنا الأيام
لقيتك يالبعيد خوان
وتحلف...

نسيت وعهد الله
مدام مش أد الكلام وتمام
ليه تحلف واللا بس كلام
حرام توعد بقه وتخلف
وتحكم قبل ماتعرف
كفاية ظنون كفاية عناد
ناسي إن بينا معاد

وتتحاسب أمام الله
ولما الدنيا ضحكت لي
ومن خيرها هنا ادتني
وكل الخلق حرمتني
وكننت اكثر قسى وجفاه
نسيت قسمك وعهد الله
راجع لي لاجل نتصالح
وننسى غدرك امبارح
فاكرني راح يفيد معايا كلام
لا انسىوعمري ..ماهااسامح
أنا قلبي خلاص بقه غيبير.....
غير امبارح.....

عايز أقولك كلمة واحدة

عايز أقولك كلمة واحدة

بس مش لاقى كلام

يكفي إحساسي وحي

واللي شايله من زمان

وانت فاكر إن قلبي

بتاع حظوظ

كل يوم بيحب واحدة

واللا اكثر برده يجوز

والجمال أنا صرت عابده

والحریم ساعة الطلب

المهم تكون جميلة

وقتها قلبي يطب

مش باقولك انتي ظلماني وقوية
وان حلفت بمية يمين
نفسى عندك مش برية
بس هارجع افكرك بكلام زمان
سيبي للأيام تقول مين اللي خان
والزمن يحكم بعدله ومايحابيش
مين اللي كان فيناالأصيل
وعايز يعيش

واحشاني يا اامه

واحشاني يا اامه
أمي يا أعلى الناس
من بعدك أنا ضعت خلاص
ما فيش حد يرحمني
لا فيه حنية ولا إحساس
صحابي اللي كنت باوزنهم بالذهب والماس
دو طلغوا مايساويش نحاس
ما هو انتي اللي كنتي آوياني
وشايلة همومي وحساني
ولما ابكي تمسحي دموعي
تعالى يا ضنايا في أحضاني
وجربت اليتيم على كبري
تشوفني تقول واحد تاني

خلص الكلام

خلص الكلام

وجانا ياعين

وقت السكوت

وأنا اللي قلبي في بعادك

بيقاوم ويتحدي الدمار الموت

لكني خايف من الفشل والضعف

ومن اللحظة اللي يقولوا

خلاص انا ضعت

اه والله عندهم خلاص انا ضعت

لكن عندي الحكاية غير

لأن ميزاني للأمر غير ميزان الناس

إذا عشقوا الفلوس عشقت العلم والكراس

إذا عبدوا الجنيه دوسته
بحداي وكل مداس
وما تصور ان بني آدم
عارف قيمته ومقداره
يبيع عرضه بالذهب والماس
وهاتقولي حكايات يامه
على اللي باعوا ضمائرهم
وباعوا حتى من الحوجة
شعورهم وياضفايرهم
قالوا الجسد داتراب
ولو بعناه او هناه دا مايهمش
مادام هيجيب لنا لقمة
وشقة جميلة بقه وفخمة
قطيعة الفقر وسنيينة
شبعنا منه عارفينه

حبيبي اسمعني هنا وخليك
راجل عاقل وانا هارضيك
وانسى موضوع الشرف والدين
وخليك عايش مع العايشين
داآخر الدرس والموضوع
وياريت الكلام مسموع
صرخت وقل بس خلاص
بقول بكفاياكوا ياناس
داالوقت وقت السكوت
وانا بين الحياة والموت

عمري ماهاأنسى

عمري ماهاأنسى يوم ما قابلتك
أول مرة وشوفتك يا حبيبي
أول كلمة ناديت لك بيها
وأول همسة همستها يا حبيبي
مهما قالوا لي أو وصفوا لي
عن الحب وناره ولهبوا
كان إحساسي إن إنت داري بي
وأنا رايدك وإن إنت نصيبي
أنا عارفك لكن من امتي
مش يمكن يوم ما اتخلق الحب
وقابلتك وبحبك وانت قبل الحب وبعد الحب
دأنا روحي من بين الناس

عرفت روحك وقالت للقلب
هو ذا إلي عشقته زمان
غيره يا قلبي ماها أرضى أحب
هو القدر اللي اتمنيته في الدنيا
وصيرت أنا عمري استناه
ونصيبي اللي اترجيته
وها أعيش أنا مخلص لهواه
وإن عشت حياتي وسنين الدنيا وياه
عمري ماها أنسى يوم ما قابلته
أول مرة ولأول همسه قلتها يا حبيبي

ياما حايلتك و اترجيتك

ياما حايلتك و اترجيتك
ناخد فرصة نسامح بعض ...
مني شوية وانت شوية
وبلاش فرقة وكفاية عند
جاي دلوقتي باترمي
عليا كل اللوم وأشيل الذنب
وبقيت غادر...
ناسي وقادر..
وتقولي انت ماصنت الحب
فاكر إني هارجع أسامح
وأرضى واصالح
بعد سنين الفرقة وبعد؟؟؟

لا لا يا عمري ما يحصل مني
انت ما تعرف إنا غير
قلبي ما عادلك زي الأول
طيب صافي زي الطير
واللي غدر بي مرة
ويحلف إزاي هاتلاقي
بقه عنده ضمير
واللي ما يتعلم من الماضي
ما هاي عرف شر ولا خير
وانا ياما حايلتك و اترجيتك
ناخد فرصة نصالح بعض

تعالى نرسم الأيام

وبعد اذنك ومن فضلك
تعالى نرسم الأيام
وننسى حبه من الآلام
وإن حبيتي فى كراستي وأقلامك
ماهو إنتى مرايتى
وأنا كشكولك المفتوح وكتابك
بلاش نرسم وردة دبلانة
ولا ضحكة ماهيش صافية و بهتانة
ولامعة فى عين باكية و غرقانة
مادام حبك فى قلبي كبير
أكيد الدنيا جميلة و لسة بخير

وليه راح نشكي أونبكي من اللي ماله ضمير
نشر سرك وخان عهدك
وأنا من خوفي كنت هاأطير
تعالى نرسم إيد بتمسك إيد
وقلب جميل بيحضن قلب
وبيتنا والله مليون خير
ونتحدى معاه الصعب

جميلة المطرة يوم جمعتنا وكات صدفة
وغسلت وحشة الأيام وضممتنا
وداوت جرح قديم لم عرفنا دواه
كأني طفل رجع لأهله بعد ماتاه
يبقى ليه نرسم بيت نسي أحبابه وباب مكسور
بيشكي أصحابه بعد اهله صبح مهجور
وحبة ناس ماهماش ناس ولاحلوين
ودمعة من زمان تجري بقالها سنين

وليه ننسى فرحتنا في عز النور
هرب منها الحزن واداري بعد الفين صور
ومهما الحمل راح يكثر ويبقى ثقيل
هايلقى أيادي في بلادي تشيله شيل
بعزم ولادي وبقوة مافيهاش مكسور
جميلة الضحكة لو صادقة ومافيها زور
وارسم بالشجر جنة وأقولك عمار يامصر
وامحي كلمة الصحرا ومايبقى مكان للبور
وأضبط للكلام معناه
وأجعل من حروفك قصر
تقولك على الدوام عاليه
ومنصورة بعون الإله يامصر
ومنصورة على الدوام يامصر

هيمنان ويترجى المدد

أنا حضرتك

"أنا حضرتك اللي كنت واقف زمان

نفسي وروحي لخدمتك

وكان زمان قلبي لما يدق

يستأذن لأجل يدخل رحمتك

هيمنان ويترجى المدد

حيران ويتمنى السكن

في الرحاب اللي جنب معيتك

عشمان في نظرة يوم ماترضي

وتتكرمي بقه حضرتك

أو تشمليه بلمسة حنان

او بضمة يحس فيها نشوة
اللي سكروا بخمرتك
خايف من اللي مايتسمى واللي بيقولوا الفراق
يوم الهوان في محبتك
ساعتها مايهمه الموانع والسجون
ساعتها يهدم سراديب الصمت يتحدى السكون
يحلف بأيمانه إن الصبر في هواكي الجنون
وايش تنتظري من اللي يلقي مسكنه ودنيته جحيم ونار
واللي قضى عمره يبني لهواك وفي غرامه ألف دار
يوم دخلته يصحى يقوم على صوت دمار
دمار ونار
إياك تلوميني أو تجلديني يوم خدت القرار
مأنا قلبي اللي اتظلم وملقاش
عندكوا حبة محبة ولا حنان ولا اعتذار
ملقاش صيانة في يوم وداده ولا الأمانة لفي لها دار

رغم إنه كان حارس ليله ونهاره
على وداك من سنين
دا الوقت لازم ينسحب بالراحة وهدوء
سايب للزمن حكمه اللي ماياحبي صديق
اللي يعرف حلاوة الشهد ويصدقك
واسأل مجرب يا صاحبي يعلمك
قبل ماتسأل رفيق

وانا زيڪ ياابو الأشراف

وانا زيڪ ياابو الأشراف
محتاج لحضن نور عيني
ساعة مأرجع له يلممني ويأويني
ويبسط لي رموشه الكاحلة
أطير بيهم هناك في مداينه وودياته
وبين أمواجه الدافية ينيمني يغطيني
وروي كل خلجاتي ولذاذاتي
وشهواتي وصبواتي
ونيراني وآهاتي وعذاباتي
وكل حروفي اللي أيده نار بأشواقي
بقيت باعشق والله ياخلق عبير بتتنفسه
انثى خيال يجري ورا بيضة أوحمر

أو حتى ام الوشاح سمرا
مادم انثى ومكتملة
وفيها من الحریم شعرة
وباحسد في الغرام جلبابها وقميصها
ولبها وأقوله آه أيا بن الأيه يا بختك
واخذلك من المكان حته بتتصارع
فيها كل الخلق ولكن رزق متقسم و مترسم
وها أفضل يازماني مستني
لحد الحظ مايرحمني
ويجي اللي يهيني
يعوضني سنين حرمان بتكويني
وعمري ماها قول يانس ولا بانس
مادام ليا رب بيسمعني
ويرحمني ويرضيني

فوضى

فوضى فوضى

وتلوميني إني مش عايزها فوضى

هي تحلا ليكي الدنيا الا لماتبقى فوضى

واللا تبقى الفرحة كاملة إلا وهى فوضى

دا الأبالسة مش هتتأبلس

إلا ماتلاقيها بجد فوضى

والشياطين هتتشيطان علينا

واحنا بنعيشها فوضى

وتقولولي انتة اللي خلنتي

كرهت الحاجات اللي بيسموها الأصول

والمبادئ اللي بيغنوالها ويدقوا الطبول

نفسى أعمل اللي يحلالي

من غير الحساب اللي يغسلني
وينشرني وما أعرف له جواب
يعني أحب واكره آه براحتي
وبمزاجي مش عايزه الملامة والعتاب
ممکن أسهر واللا اسكر
اصلي حرة وبمزاجي والله
وكيفي ترضى عني واللا تغضب
مش هاتفرق كله عندي يساوي واحد
الطموح والأمل في اللي
اسمه بكره بيساوي صفر
والفرح ويا السعادة
اتمحي من قلبي وكأنه كفر
والامانة والوفا صبحت
كلام نسمعه من قديس
أو شيخنا اللي في الجامع له مقام

يعني كلام ونهايته في نهاية الكلام
عند الودان
عرفت ليه حبيبتها فوضى
قلت لها محتاجة ضروري لتعديل المسار
والخطأ مش بس عندك
لأ دأنا شريكك بالأكيد ودا مش هروب ولا هزار
أد ماهو مصارحة ومصداقية واعتذار
يعني لازم كل واحد منا
يرجع لنفسه بالمحاسبة والديانة
قبل ماتنتهي الفرصة وتقوم القيامة
أيوه والله وساعتها تبقى
كل الفرحة يارب مش ندامة
يارب ماتبقى الندامة

معقولة دي

معقولة دي

معقولة يبقى الغدر دا كله منك

معقولة تيجي الضربة القاضية

وتقول غصب عنك

وأنا اللي طول عمري رضيت

القسوة منك

كنت عايش مش عشاني انما

عايشه لأنك

عمري كله انت عارف

إننا عشته ليك

وانت أول شاهد وقاضي



ومتهم ودا كله فيك
مابقتش شايف في الوجود غيرك وليك
حتى لاقيتني غصب عني حته منك حته فيك
جيت أقول لى ياأنا لاقيتني ياروحي بانداه عليك
وأنا باجري منك
ويسألوني عن يوم ميلادي قلت اسألوه
هو تاريخي ويوم شافوني
كانوا في الحقيقة بيشوفوه
وهاتلاقوني معاه انا زي ضله
وتوأمه وشبيهة ماأنا حته منه
كل دا وفجأة ومن غير اي اعتذار
جيت تقولي انسى اللي كان
دا مش حقيقة دا كان هزار
سيبك من الأحلام ماخلاص طلع النهار
نفسى تشوف نفسك مرة على الحقيقة

معقولة أذفن عمري معاك واحلامي البرينة
كل اللي زيي فرحانين ويا الشباب
وانا اللي طول عمري هاضيعه معقولة
وأعيش العذاب
أحسبها ياصاحبي تلاقيني صح اختياري
وأنا كنت واهمانة وصححت مساري
جود لاك ياعمو وللا جدو ما اعطلك
وياك تفكر إننا في لحظة ميلت ليك
وياريتني كنت سمعت النصيحة قبل إما أجيك
معلش كانت نزوة وراحت لحالها
دلوقت فقت وابتديت أعدل مسارها
بخلاصي منك ياعزيزي
وماكنش من دلوقت وللأبد لولحظة عندك

ذنبى إيه ..

ذنبى إيه ..

ذنبى إيه وانت اللي اخترتى الطريق....

وألف مرة قولت لك مافهوش رفيق ...

وانت مجروحة زمان والله عارف ...

بس ياخسارة الشيطان

واخداه صديق ...

رغم داكله باقى فيه أمل ...

طول مالمسه فىنا روح لاياأس ولا ملل

ياللا قومى وانفضى الحزن وسنينه

واللى يتوكل على الكريم الله يعينه

هوه فيه أحن منه على العباد

القريب والبعيد بالوداد
باقي ايه قومي ياورد البلاد
خلي نور الشمس يتحدى القمر
والنجوم متبسمة في ليل السمر
خدنا ايه من البكا الا القهر
والندم ما يوصلك الا للامر
ياللا يا حلوة اغسلي توبك
والجراح واللي راح هايرجع
بالامل مش بالبكا ولا النواح

غدا عيد

قالوا غدا عيد...

قلت نعم...

وايش الجديد يعني.....

إلا زيادة هم ...

أعيادنا صبحت بالحزن مكتومة

وحرام علينا الأمل

صرنا نخاف نحلم...

حلمك كابوس خائق

وأنا صاحبي ما بيرحم..

راحوا اللي كان العيد بيجي وياهم

وبقينا وسط دياب بافزع لمرآهم

والحزن خيم على نفوسنا وهم كبير

إن شفت مخلوق من الرعب قلبي يطير
والفرح قفل في وشي أبوابه لم يقبل
إلا منافق غوي مرذول ودمه أتقل
واتكسرت لعبي تحت وابور الجاز
وغيطاني هملتها....
والزرع مارويته
لما انحنى ضهرى
ومشيت على عكاز...
ماعادفي نفس أضحك ولابنتهي من غم
إلا بحزن جديد مصيبة ووراها هم
فين راحت الهوشة في ليلة العيد
وضحكاته
والحنة طايبة يابيهية وخلجاته
منين هاجيب ياعم الحاج كلفتهم
وديوني صبحت بالكوم وآه منهم



على شان كده شايف الدمع في عيونك....

معلش

كان نفسي أضحك....

وأدوق الكحك أبوسكر

والبسكويت المقرمش

وياالفطير المشلتت الذهبي ومحمر

يرحم ليالي زمان يا حاج أحمد...

ماعاد لعيد معنى ولاعاد له لون ولاطعم...

من بعد ناسنا اللي كانوا ولاعاد لي خال ولاعم

والدنيا طحتهم قاسية مارحمتهم

فينك ياتينة خلاص ...

صبح التراب فرشك

والأرض واخداكي وحضنها في حضنك

فاكره ياغاليه لما الناس بتيجي عليه

ماكنش غير صدرك يجري ويبكي عليه

ماتمر غير لحظة والضحكة ترجع ليه
لما لقي مسكنه وبالحنان ترويه
دي الوقت صبحت نفوس بالضلمة مسكونة...
والحزن راكب أوي والآه محزونة
ماتقول عيال ولا مال
النفس مشحونة
ومين غيرك ياإلهي هاأرمني حمولي عليه
وأنا عبدك المحزون
ولا هاشكي إلا ليه وهو معتمدي
وأجعل تووالي عليه

ماتكبر هاش بأونطة

ماتكبر هاش بأونطة
ماتعرضهاش بالقوى
وحبيبي ياناس من طنطا
لكنه عليا أوي
أنا عارفك والله طيب
وكمآن من قلبي قريب
لكن الصبر دا له آخر
وانته مزودها أوي
وهاأقولها ولا هأخشاش
حتى لورحت بلاش
إكمني بحبك يا عني
تهملني وتدي طنناش

راح أقولك إيه ياأخينا
ياتروق ياتهوينا
داأنا مهما عانيت في غرامك
من السهل أنسى أيامك
وإن كنت هاأقاسي شوية
أهون من العيش أدامك
وأشوف ذلي بعنيه
وكأني ياصاحبي رمية
بلاأهل يحنو عليا
لا والله عشان خاطري
استنه عليا شوية
راح أراجع بقى أوراقى
وأرتب وقتى الباقي
والصالح يجي على راسنا
والطالح والله عليه ماأنا باقى

الفاسد مايليق بينا
والعاطل هايهويننا
معلهش إن كنت بأصارك
وكلامي شويه أهو جارح
لكن ماهو غصب عني
داجواز مش بس مصالح
ولأرضي أغشك وانت
تعرفني راح أفضل واضح
إن عجب اركب ويانا
والا أنا ها أفضل عمري
على قديمه اليوم وامبارح
اسمعي ياواد ويانته
ماتعرضهاش بالفوي
ماتكبرهاش بأونطة

ليه ماسألتش قلبك

ليه ماسألتش قلبك ولامرة

ليه أنا بحبك وانت حبيبي

أوعى تقولي ماخذت في بالي

ولاجه على خاطري تبقى حبيبي

وماكنتش داري ولاعلى بالي

تبقى غرامي ولامكتوبي

من يوم ما عنيا لمحوكي

وقلبي في حالة مافيه إلا إنته

ساعة ببيكي وساعة بيشكي

وساعات بيقول أقابلك إمتى

وصبحت بعمائله في حيرة

وعوازلي خلوني بقيت سيرة

وانته ولا تعدي ولومرة
ولا حتى كلمة ولا نظرة
اللي اعرفه عن الحب وسيرته
إنه الواحد يبقى ملاك
يتعب. لما يلاقي حد في ألمه
يسعى لراحته يقول أنا معاك
أما القسوة والعنادية
حاجة غريبة ومش طبيعية

وأنا مهما هاتعذب فيا
هافضل أشوف لك مليون عذر
ولا عمري هاأقول إلا حبيبي
وماتلقى إلا وفا ودا. وعد وندر

كل شئ له زمانه

كل شئ له زمانه وزهوته مهما يطيب
زي الذهب والشمس تلمع ساعتين تغيب
والزرع أخضر والزمن حتما يصيب
واللي يصعب إنه في عز حوجته
مالوش حبيب
يبقى يتمنى اللي يسعى في لقمته
وإن مرض ياخده لطيب
مرة أوي الوحدة لو يصاحبها الكبير
والجميع ينكر له فضله ساعة الفقر
أصبحت حمل على الصغير والكبير
ويمنوا بالكلمة عليك أو الابتسام
ويحسبوا كل اللي عدى واللي جاى والكلام

معقولة احنا بقينا هم على القلوب
معقولة عشنا نجبهم
وحبهم لينا خيال أو من المعاصي والذنوب

ويفضل حبك

ويفضل حبك يغالبني مهما كنت بعيد
وشوقي ليك يعذبني وإن فضلت شريد
بحبك بس مش قادر أجيلك زي مأهوى وأحب
مايكفيني الكلام كله وإنك اللي ساكن بالقلب
وحبك يامالك روي مايكفيه الدنيا والأيام
وكل ما أقول أحبك أخاف أكثر
من التقصير

وأتوه في جمالك العالي وعطفك
إلي ماله نظير
ماهو إنته اللي إيديك مليانة بكل الخير
لكل حبيب أو حتى اللي ماله ضمير
ولطفك في أشد المحنة ووقت الصعب

كلمة واحدة

عايز أقولك كلمة واحدة

بس مش لاقى كلام

يكفي إحساسي وحبى

واللى شايله من زمان

وانت فاكر إن قلبى

بتاع حظوظ

كل يوم بيحب واحدة

واللا اكثر برده يجوز

والجمال أنا صرت عابده

والحریم ساعة الطلب

المهم تكون جميلة

وقتها قلبى يطب

مش باقولك انتي ظلماني وقوية
وان حلفت بمية يمين
نفسى عندك مش برية
بس هارجع افكرك بكلام زمان
سيبي للأيام تقول مين اللي خان
والزمن يحكم بعدله وماحابيش
مين اللي كان فيناالأصيل
وعايز يعيش

إشهد يازماني

اشهد يازماني
يامكاني ياأواني
وانتوا ياجيراني
واخواني وخلاني
إني ماوجدت زيه
جحود وظلم
والخير في أرضه
ماتلاقيه إلا في حلم
كفران ونكران وافترى
تهم بلاوي متلتة
هموم وغم
يملك لسان تحلف



بان زفارة الدنيا
مجموعة فيه
لايهمه ناس ولاالحيا
يعرف طريقه أو
يأثر يوم عليه
أستاذ مهندس في الشكاوي
وحبك التهم
مابيخشي لوم أو عتاب
أو دعوة من اللي خاته
واتظلم
يحلف بأيمانه إنه
ملاك والله برئ
وإني اللي اتعديت الحدود
وكنت الجري
يعني كان جنة وبستان

وأنا اللي كنت النار
والحريق
ولا عمره شاف
عندنا غير الضياع
وشبابه كنت مدمره
وأنا اللي خان
وأنا اللي باع
طب قولي مين اللي
اشتهدى يسكن قصور
وقولى مين اللي
عينه على الذهب منظور
ومين اللي نفسه
في الشباب زيها
يعرف لغاتها ومشتاكة
له وهو كمان مشتاق لها

ومين بيحكي عن
فلانة وفلان
ايش جاب لها
وقال داأنا اولى
وأحلى والله منها
الذهب عليا تزيد
حلاوته وزهوته
والقصور ها تبقى جنة
يوم مايجي بطلته
كنت باسمك تحكي الحكاوى
دي وانا شايل همومي
واشوف في عينك الطمع
والفقر بيدق في عظامي
ولاترحموني
ودا بيو عظني

ودا بكلمتين
لماتبقوا ادها
ابقوا جيبوا عيال
وانتوا مرتاحين
يعني اللي غلبان
يشوف له داهية
تكون مقاسه
مطرح مايرسي يحط
رجله كمان وراسه
فينك ياأمى تبصي
بصه جوه دارنا
والله ياأما ماهاتعرفينا
ولاتصدقى اللي
جرى لنا
حريمنا خد على البغدة

وغسلوا ايديهم
من المسؤولية
والعيال مهما
نداديهم
ويقولوا مظلومين
والله وحرام
خلونا مش عارفين
احنا في النهار
واللا في ظلام

محتوى الكتاب

- 2 بطاقة الكتاب
- 3 الإهداء
- 4 أقسم بالله
- 6 أنا حبيب وباعشق كل لحظة حبيب
- 8 مش معقول تبعد وتسييني
- 9 من حقى اتجنن علشانك
- 12 حبيبي ليه دايمًا غضبان
- 15 هي دي هي الحياه
- 19 ونقسي على الحنين ليه
- 20 وحشونا
- 23 ياقلبي ليه
- 25 طلاق
- 27 القايمه السوده



- 31 رحى فين
- 35 مانفعلش لبعضينا
- 37 وباسنتى تيجى لو رنه
- 39 خد منى كل حياتى
- 42 غدر البشر
- 48 يمىن الله
- 50 عايز أقولك كلمة واحدة
- 52 واحشانى ياامه
- 53 خلص الكلام
- 56 عمرى ما هانسى
- 58 ياما حايلتك واترجيتك
- 60 تعالى نرسم الأيام
- 63 هيمان ويطرجى المدد
- 66 وانا زيك يا ابو الأشراف

68	فوضى
71	معقولة دى
74	ذنبى ايه
76	غدا عيد
80	ماتكبرهاش بأونطة
83	ليه ماسألتش قلبك
85	كل شىء له زمانه
87	ويفضل حبك
89	كلمة واحدة
91	إشهد يازمانى
97	محتوى الكتاب

